

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Vacatione, Amissione, Et Extinctione Beneficiarvm ...

Leuren, Peter

Coloniæ Agrippinæ, 1704

447. Qualiter justificanda causa reservatæ ab Episcopo pensionis, intellige
talis, qualem, & in casu, in quo is eam imponere potest.

[urn:nbn:de:hbz:466:1-74494](#)

Questio 447. Qualiter justificanda causa reservata ab Episcopo pensionis, intellige talis, qualem, & in casu, in quo is eam imponere potest?

Respondeo: Non defertur in hoc assertioni Ordinarii, sive non sufficere assertione Episcopi dicentis, causam legitimam intervenisse in reservatione pensionis à se factā; sed debere de hoc aliunde constare, seu justificanda causa aliunde per extrinsecas probationes. Barbos, juris Eccles. l. 3. c. 11. n. 56. ex Gratian. discept. for. c. 617. n. 8. Card. de Luc. de pens. d. 41. n. 2. & d. 40. n. 1.

Questio 448. An pensionis reservatio facta per Episcopum (in casibus, in quibus, & modo, quo ea per illum constitui potest) egat confirmatione Papae?

Respondeo: Facta pereum reservatio pensionis, si tenet, non eger confirmatione Papae; si vero non tenet, non vult Papa eam approbando & confirmando quodammodo dare occasionem, ut imposterū Ordinarii perperam faciant iniquas provisiones, & pensionum reservationes. Hinc ex iuvenerato Curia stylō Papa nunquam concedit confirmationem provisionis aut reservationis pensionis facta per Ordinarium; sed solūm concedit novas provisiones beneficiorum, & novas pensionum reservationes scholaribus pauperibus. Gonz. gl. 5. §. n. 30. & seq. ex Rebuff. in pr. tit. de nova provis. n. 14. Addit tamen Gonz. n. 33; quod nova illa provisio & reservatio pensionis sit ferè quādam confirmatio facta per Episcopum reservationis, saltem in effectu: pro quo citat Put. decisi. 308. n. 2. l. 1. Sic etiam, inquit Ventrigl. 10. 2. annot. 11. §. 1. n. 8. in praxi servatur, Episcopum reservare pensionem indiferenter, moderatē tamē; sed pro expeditione & Bullis recurrente ad Sanctissimum, qua Bulla in signatura, & dein pensione præjudicat successori. Advertendum autem est, quod Ordinarius tantum nominat pensionem, & illum, ad cuius favorem reservatur; & in signatura expedientur litera. Non potest tamen ipse Ordinarius Bullas reservationis relaxare, & concede re, & dein petere confirmationem à Papa; hoc enim faciendo Papa non solet confirmare, sed solūm contra factū Episcopi seu Ordinarii providere de beneficio, & pensionem reservare.

Questio 449. Quid possit Vicarius Episcopi circa impositionem pensionis?

Respondeo: Non posse illum constituere pensionem, nisi hoc ipsum specialiter fuisse ab Episcopo concessum. Garc. p. 1. c. 5. n. 317. citans Sbrozium tr. de Vicar. Episc. l. 2. q. 71. n. 24. Ber. vium cons. 18. nu. 10. vol. 1. In quo casu specialis concessio non poterit plus, quam ipse Episcopus in hoc puncto, ut patet.

Questio 450. Quid possit Legatus Apostolicus circa reservationem pensionis?

Respondeo primò: Legatus de latere idem potest circa constitutionem pensionis ratione sui muneris, seu officii, & legationis sua, quod potest Episcopus. Garc. p. 1. c. 5. n. 284. Azor p. 2. l. 8. c. 6. q. 2. Filliuc. in append. posth. de statu cleric. ex. 42. c. 3. n. 6. Castrop. tr. 13. de benef. d. 1. p. 11.

P. Leuren, Fori Benef. Tom. III.

§. 2. n. 5. Siquidem idem juris habet talis Legatus in provincia sibi commissa, quod Episcopus in sua Diœcesi. AA. idem cum Gamb. de pot. Leg. l. 6. n. 77. & Abb. in c. 1. de off. leg. nec minus quam Episcopus dicitur Ordinarius. Unde jam inhærendo sententia Lotterii & Azoris, imponere poterit ex causa legitima pensiones ipsiis beneficiorum personis, non autem beneficiis, nisi forte à Papa ad hoc acceperit facultatem specialem. Azor loc. cit. Poterit etiam citra tales speciales facultates eas imponere beneficiis eo modo ac ordine, ex iisdem causis sicut Episcopus aliud in sententia aliorum, adscribentum eam potestatem Episcopis. Idipsum verò non poterit, nisi in iis beneficiis, quæ ad illius spectant collationem, seu quæ ipse conferre potest (intelligi etiam concurrent ad Episcopum) qualia sunt omnia illius provinciæ beneficia Papæ non reservata, ut Castrop. loc. cit. Secus est in iis, quæ ad illius collationem non spectant. Garc. loc. cit. n. 285. Azor loc. cit. Ventrigl. 10. 2. annot. 11. §. 1. n. 5. nam reservata Papæ, sicut conferre nequit, ita nec eis imponere pensionem. AA. idem citatis Gig. de pens. q. 6. n. 19. Zecho de benef. & pens. c. 11. n. 5. Idque etiam, etiā alias speciales à Papa facultatem haberet recipiendi resignations, & conferendi beneficia cum reservatione pensionum, ut expressè Azor loc. cit. Porro quod hic dicitur de Legato à latere, idem tenendum de Legato seu Nuncio misslo cum potestate Legati à latere. Filliuc. loc. cit. citans Gig. q. 8. n. 18. Cuchum in institut. parvis l. 2. tit. 8. §. ante omnia.

2. Respondeo secundò: Legati alii missi vel etiam nati, quemadmodum ex vi legationis sua (dico: vi legationis sua, nam quatenus Archiepiscopi vel Episcopi sunt, poterunt id in suis Archidiœcesisibus vel Diœcesisibus sicut alii Episcopi) ita nec citra speciale comissionem imponere possunt pensiones. Garc. loc. cit. n. 287. Azor. l. c. q. 4. Castrop. l. c. n. 5. Quin nec ut Azor cit. q. 4. inhærendo suis principiis, imponere eas poterunt beneficiorum personis, dum beneficia conferre non possunt. Quod si autem potestatem hanc conferendi beneficia, quam de se non habent, haberent specialiter à Papa, an possent eo ipso imponere pensiones, qualiter Episcopi eas imponere possint? Responder Azor. l. c. q. 3. non posse eos adhuc imponere pensiones, sicut id possunt Episcopi, quia hi potestate ordinaria conferunt beneficia, dicti autem Legati in eo casu non nisi potestate delegata ea conferant. Quam candem causam, cur in dicto casu nequeant Legati imponere pensionem, aſſignat Gig. de pens. q. 6. n. 1. apud Garc. l. c. n. 291. quos proinde perperam pro se citat Castrop. ut mox patetib[us] ē eius doctrina. Distinguit ipse Garc. l. c. n. 292. & affirmat, id eos posse, si dicta potestas conferendi fuit eis concessa simul cum ipsa legatione: secus si ea potestas sit eis concessa separatum à commissione legationis; et quod in priore casu ea potestas censeatur ordinaria, ac proinde ut ordinaria regulanda & extendenda. In secundo verò casu sit delegata, ac proinde restringenda, quemadmodum de Vicario Episcopi docuerat Garcias p. 5. c. 8. n. 41. & de Legato tradit Gamb. de off. leg. l. 9. n. 33. & 37. quod licet Legatus non sit Ordinarius, sed delegatus in iis, quæ ei competit ex speciali facultate seu commissione, quando seorsim committuntur, dum tamen in literis sua legationis simul exprimuntur omnes facultates, & sub una concessione emanantes simul stant & cadue,

& sic